



UNIVERSITÄTS-  
BIBLIOTHEK  
PADERBORN

**Stella Benedictina Sive Regula Sanctissimi Patris Nostri  
Benedicti**

**Meyenschein, Benedikt**

**Hildesii, 1725**

**VD18 10311831**

XLVIII. De opere manuum quotidiano. Nunc lege, nunc ora nunc psalle,  
subinde labora: Otia sunt animis exitiosa nimis.

---

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

d) *Subintellige, ab eo. Cetera patent ex antedictis.*

2.8 MART. 28. JUL. 27. NOVEMB.

CAPUT XLVIII.

*De opere manuum quotidiano.*

Otiositas inimica est animæ *a*. Et ideo certis temporibus occupari debent Fratres in labore manuum; certis iterum horis in lectione Divinâ *b*. Ideoque hac dispositione credimus utraque tempora *c* ordinari; id est, [ut à Pascha usque ad Calendas *d* Octobris, manè *e* exeuntes à Primâ *f* usque ad horam pene quartam *g* laborent, quod necessarium fuerit. Ab horâ autem quartâ *h* usque ad horam quasi sextam *i* lectioni vacent *l*. Post sextam autem surgentes à mensâ *m*, pausent *n* in lectis suis cum omni silentio: aut fortè, qui voluerit legere, sic sibi legat, ut alium non inquietet. Et agatur Nona *o* temperiùs *p* mediante *q* octavâ horâ: & iterum, quod faciendum est, operentur usque ad Vesperum

sperum r. Si autem necessitas loci atque  
 paupertas exegerit, ut ad fruges colligen-  
 das per se s occupentur, non contristen-  
 tur; quia tunc verè Monachi sunt t, si  
 labore manuum suarum vivunt, sicut &  
 Patres nostri & Apostoli. Omnia tamen  
 mensuratè u fiant propter pusillanimes.

a) Multam enim malitiam docuit otio-  
 sitas. Eccli. 33.

b) Seu saerâ vel ad Deum ducente: quono-  
 mine etiam comprehenditur studium, pra-  
 sertim Theologicum.

c) Laboris scil. ac lectionis.

d) Id est primum diem.

e) Non sumitur hic pro crepusculo matutino,  
 sed pro tempore labente ab ipso ortu Solis,  
 quemadmodum se explicat Marcus c. 16.  
 Et valdè manè veniunt ad monumen-  
 tum orto jam Sole.

f) Id est, finitâ Primâ in Officio Divino, qua  
 dicenda est jam lucis orto fidere, seu in-  
 cipiente primâ horâ diei ab ortu Solis com-  
 putatâ.

g) Nam horâ tertiâ [apud nos circiter nonâ  
 juxta prænотата superius c. 8.] plenè cla-  
 psâ,

psâ, & vergente jam ad finem horâ quartâ, seu nostrâ circiter decimâ ante meridiem, dicenda est Tertia in Officio Divino. Ex Nav. Suar. &c.

h) Id est, auditâ apud nos circiter decimâ.

i) Nam ante Sextam diei, apud nos duodecimam, recitabant Sextam in Officio Divino.

l) Ad decantandum enim vel audiendum Sacrum non conveniebant diebus ferialibus, sed tantum Dominicis & festis, ex more veterum Monachorum.

m) Sexta enim erat hora prandii juxta c. 41.

n) Id est, quiescant vel dormiant; propter habitos scil. labores, nimirumque in partibus istis calorem: Cujus loco apud nos conceditur hora deambulationis & colloquutionis. Vid. Statuta pag. 138.

o) Officii Divini.

p) Seu maturius.

q) Id est, ad medietatem elapsâ: Totâ enim septimâ diei [seu nostrâ primâ post meridiem] cum mediâ horâ sequente dormiebant; & tunc excitati, præmissis signis consuetis accedebant ad decantandam Nonam. Ex Smaragdo &c.

r) Alia lectio clarior: ad Vesperam, quæ  
juxta

juxta Belethum, Francol. Turrecrem. Sc.  
 recitanda est horâ undecimâ, seu penulti-  
 mâ ante Solis occasum, Completorium  
 autem circa finem horæ duodecimæ sive ul-  
 timæ diei.

- s) Id est, citra speciale præscriptum.
- t) Ex imitatione scil. veterum Monachorum;  
 non autem, quasi hodie desinant esse Mo-  
 nachi, si laborem manuum, quo non am-  
 pliùs tantopere egent, lectione & contem-  
 platione commutent: Nam ut ait Aposto-  
 lus 1. Tim. 4. Corporalis exercitatio ad  
 modicum utilis est, pietas autem ad om-  
 nia. Suffragatur S. Thomas Opusc. 19.  
 c. 5. D. Bonavent. l. de paupertate Christi  
 q. 1. & 2. aliique communiter DD. pro-  
 bantes, mutationem istam de consensu Su-  
 periorum omnino licere: idque tantò ma-  
 gis, quòd Officium Divinum jam multum  
 excreverit, variisque itè Pontificum De-  
 cretis modò obligemur ad studia Scholasti-  
 ca. Vid. interim Statuta nostra pag. 124.
- u) Id est, moderatè, vel consideratis viribus  
 singulorum.

29. MART.

29. MART. 29. JUL. 28. NOVEMB.

**A** Calendis *a* autem Octobris usque ad caput *b* Quadragesimæ, usque ad horam secundam plenam *c* lectioni vacent *d*; Horâ secundâ agatur Tertia *e*, & usque ad horam nonam *f* omnes in opus suum laborent, quod eis injungitur. Facto autem primo signo horæ nonæ, disjungant se ab opere suo singuli, & sint parati, dum secundum signum pulsaverit *g*. Post refectionem *h* autem vacent lectionibus suis aut Psalmis *i*. In Quadragesimæ verò diebus à mane *l* usque ad tertiam plenam *m* vacent lectionibus suis; & *n* usque ad decimam plenam *o* operentur *p*, quod eis injungitur. In quibus diebus Quadragesimæ accipiant omnes singulos codices de Bibliotheca, quos per ordinem ex integro legant: Qui codices in capite Quadragesimæ dandi sunt.

a) *Seu primâ die.*

b) *Sive initium, ut sæpe dictum.*

c) *Sive completam. Intelligitur autem secunda more veterum, computata ab ortu*

*Solis*

*Solis per minuta illo tempore pauciora, ut patet ex supradictis.*

d) *Intellige, post decantatam Primam in Officio Divino.*

e) *Canonica, seu Officii Divini.*

f) *Ità tamen, ut circa horam sextam sen nostram duodecimam, intermisso tantisper labore, persolvatur Sexta in Officio Divino juxta lect. præced.*

g) *Neutraliter, pro insonuerit vel pulsatum fuerit.*

h) *Quæ eo anni tempore juxta c. 41. fieri debebat horâ nonâ, persolutâ imprimis Nonâ Officii Divini.*

i) *Putâ, discendis memoriter vel ruminandis.*

l) *Id est, ab ortu Solis, ac finitâ Primâ in Officio Divino juxta lect. præced.*

m) *Apud nos circiter nonam matutinam.*

n) *Subaudi ex præced. Recitatâ Tertiâ Officii Divini.*

o) *Quæ est nostra circiter quarta pomeridiana.*

p) *Sextæ nihilominus ac Nonæ Officium temporibus suis, ut suprâ, persolvendo.*

30. MART. 30. JUL. 29. NOVEMB.

**A**nte omnia fanè deputetur unus aut duo

duo Seniores *a*, qui circúmeant Mona-  
 sterium horis, quibus vacant Fratres le-  
 ctioni, & videant, nè fortè inveniatur  
 Frater acediosus *b*, qui vacat otio aut  
 fabulis, & non est intentus lectioni; &  
 non solùm sibi inutilis est, sed etiam alios  
 extollit *c*. Hic talis si [quod absit] re-  
 pertus fuerit, corripiatur semel & secun-  
 dò: si non emendaverit, correptioni *d*  
 regulari subjaceat, & taliter, ut cæteri  
 metum habeant. Neque Frater ad Fra-  
 trem jungatur horis incompetentibus.  
 Dominico autem die *e* lectioni vacent  
 omnes, exceptis his, qui variis officiis  
 deputati sunt. Siquis verò ità negligens  
 & desidiosus fuerit, ut non velit aut non  
 possit meditari aut legere, injungatur ei  
 opus *f*, quod faciat, ut non vacet *g*.  
 Fratribus infirmis vel delicatis *h* talis o-  
 pera aut ars injungatur, ut nec otiosi  
 sint, nec violentiâ operis opprimantur,  
 ut effugentur. Quorum imbecillitas ab  
 Abbate consideranda est.

a) *Non tam ætate, quàm prudentiâ.*

b) *Idest, tetricus vel fastidiosus in spiritua-  
 libus à græco nomine ἀκιδία.*



- c) *Id est, tollit ex [sive impedit à] lectione. Alii legunt, distollit, id est, aliò conver- tit vel disturbat.*
- d) *Seu pœna vel disciplina.*
- e) *Toto extra Missam & Officium Divinum.*
- f) *Non quidem servile aut mechanicum pro die Dominico; sed liberale, ut scribere orare &c.*
- g) *Sive ut non sit otiosus.*
- h) *Intellige, à naturâ, seu teneriore com- plexione.*

31. MART. 31. JUL. 30. NOVEMB.

CAPUT XLIX.

*De observatione Quadragesimæ.*

**L**icet omni tempore vita Monachi Qua-  
dragesimæ observationem debeat ha-  
bere a: tamen quia paucorum est ista  
virtus, ideo suademus istis diebus Qua-  
dragesimæ omni puritate vitam suam cu-  
stodire, & omnes pariter negligentias  
aliorum temporum his diebus sanctis di-  
luere b. Quod tunc dignè fit, si ab o-  
mnibus vitiis temperemus, orationi cum  
fle-